
ЎЗЎВОНДА ТУМАНЛАРАРО ҚЎШМА ЖАРОҲАТЛАР ВА ЎТКИР ЮРАК-ҚОН ТОМИР ТИЗИМИ КАСАЛЛИКЛАРИНИ ДАВОЛАШ МАРКАЗИ ҚУРИБ БИТКАЗИЛМОҚДА

Ўзёвон туманида бошқа соҳалар қатори тиббиёт йўналишида ҳам катта лойиҳа амалга оширилмоқда. Ўзёвон маҳалласидаги туман тиббиёт бирлашмасининг 50 ўринли туманлараро қўшма жароҳатлар ва ўткир юрак-қон томир тизими касалликларини даволаш маркази қуриб битказилмоқда.

Вилоят ҳокими Хайрулло Бозоров марказда қурилиш ишларининг бориши билан танишди. Ўзёвон, Тошлоқ, Қўштепа туманлари аҳолиси учун хизмат кўрсатувчи ушбу марказ қурилиши учун инвестиция дастури асосида давлат бюджетидан 7,5 млрд. сўм, бундан ташқари, замонавий тиббий жиҳозлар келтиришга 5 млрд. сўмдан ортиқ маблағ ажратилган.

Жарроҳлик, нейрохирургия, ўткир юрак-қон томир касалликлари ҳамда 9 ўринли реанимация бўлимлари ташкил этилмоқда.

Вилоят ҳокими қурилиш жараёнларини кузатар экан, қурувчи ташкилотлар ҳамда масъулларга ишларни сифатли ва ўз вақтида бажариш юзасидан кўрсатмалар берди.

[Бизни ижтимоий тармоқларда кузатинг Facebook,](#)
2021-12-01 19:56:15